

आयोडा अवसर मत न चूक जो रे,
दर्शन सतगुरु जी रा करलो रे हा,
ए दर्शन सतगुरु जी रा करलो रे हा,
सतरी संगत भाया बैठ जो रे,
झोली गुरु वचना सु भरलो रे हा,
झोली गुरु वचना सु भरलो रे हा ॥

सतगुरु है साचा शांतिनाथ जी रे,
हंसा बुगला ने कर देवे रे हा,
हंसा बुगला ने कर देवे रे हा,
जो कोई आवे सतगुरु आसरे ओ,
वारा दुखडा तो हर लेवे रे हा,
वारा दुखडा तो हर लेवे रे हा ॥

चेला कहावे केशर नाथ रा रे,
सिरे मिन्दर आप बिराजो रे हा,
सिरे मिन्दर आप बिराजो रे हा,
घर घर गावे ज्यारी किरती रे,
डंका चार खुट मे बाजे रे हा,
डंका चार खुट मे बाजे रे हा ॥

माया रो परदो नैना मायने जी,
सतगुरु पल में दूर हटावे रे हा,
सतगुरु पल में दूर हटावे रे हा,

अरे नुगरा ने सुगरा करता देखीया जी,
सतगुरु साचो ज्ञान बतायो रे हा,
सतगुरु साचो ज्ञान बतायो रे हा ॥

गादी पती जालंधर पीतरा जी भक्ति,
बालपना सु किनी रे हा,
भक्ति बालपना सु किनी रे हा,
अरे मनडो हटायो जग रा मोह सु,
सतगुरु माला हाथ में लिनी रे हा,
सतगुरु माला हाथ लिनी रे हा ॥

अरे वचना रो अमृत पावे प्रेम सु रे,
महिमा दास अशोक सुनावे रे हा,
महिमा दास अशोक सुनावे रे हा,
दीजो सतगुरु जी म्हाने चाकरी जी,
सतगुरु चरना मे बलि जावे रे हा,
सतगुरु चरना बलि जावे रे हा ॥

आयोडा अवसर मत न चूक जो रे,
दर्शन सतगुरु जी रा करलो रे हा,
ए दर्शन सतगुरु जी रा करलो रे हा,
सतरी संगत भाया बैठ जो रे,
झोली गुरु वचना सु भरलो रे हा,
झोली गुरु वचना सु भरलो रे हा ॥

गायक प्रकाश माली जी ।

प्रेषक मनीष सीरवी ।

(रायपुर जिला पाली राजस्थान)

9640557818

Source:

<https://www.bharattemples.com/aayoda-avsar-mat-na-chuk-jo-re-darshan-satguru-ji-ra-karlo-re/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>